

وما أدراك ما رجب ! | #خطبة_جمعة | د . حازم شومان

حازم شومان

ونستهديه ونستغفره ونعوذ بالله من شرور انفسنا ومن سيئات في اعمالنا ونعوذ بالله من شرور انفسنا ومن سيئات اعمالنا. انه من يهده الله سوف لا مضل له. ومن يضل فلن تجد له هاديا مرشدا. يا ايها الذين امنوا اتقوا الله حق تقات - [00:00:01](#)

ولا تموتن الا وانتم مسلمون. يا ايها الناس اتقوا ربكم الذي خلق منها زوجها وبث منهما رجالا كثيرا ونساء. واتقوا الله الذي تساءلون به والارحام. ان الله كان عليكم رقيبا. يا ايها الذين امنوا اتقوا الله - [00:00:31](#)

اه اتقوا الله وقولوا قولا سديدا. يصلح لكم اعمالكم. ويغفر لكم ذنوبكم ومن يطع الله ورسوله فقد فاز. ومن يطع الله ورسوله فقد فاز فوزا عظيما اللهم صل على الحبيب محمد. اللهم صل على الحبيب محمد. وعلى ازواجه امهات المؤمنين وعلى ذريته - [00:01:01](#)

والبيتة انك حميد مجيد. اما بعد اخواني واحبابي في الله تخيل ربنا يحفظنا جميعا ويحفظ المسلمين جميعا بحفظه. تخيل لو طلع خبر دلوقتي في جميع وسائل الاعلام خبر عاجل وخبر خطير ان من اول يوم السبت اللي جاي ده اللي هو بكرة اللي بينا وبينه ساعات. ان فيه - [00:01:31](#)

موجة من وباء كورونا مرعبة هتجتاح الكرة الارضية. ومش هتسبب اي مكان على وجه الارض. موجة هتستمر ثلاثين يوم ثلاثين يوم هتتحصد فيهم ملايين الارواح. موجة اشد من الموجات اللي فاتت. اللي كنا بنجري في عز الليل ندور على انبوبة اكسجين او ازاي - [00:01:51](#)

نملة انبوبة اكسجين عشان حد من حباينا اللي كنا فيها مرعوبين من ان الحد ان اي حد يدخل عناية مركزة ولا تخيل لو الخبر انتشر وخبر اكيد وخبر صادق. هيبقى استعدادك شكله ايه؟ سعر الماسكات هيعلى قد ايه؟ المحاذير الوقائية اللي كل واحد منا هيتعامل فيها - [00:02:11](#)

هيبقى شكلها ايه؟ انا عايز اقول لك خبر اخطر من ده. انا عايز اقول لك خبر يقيني واطهر من ده. ان من اول يوم السبت اللي هو بكرة اللي هو بينا - [00:02:31](#)

ساعات بازن الله سبحانه وتعالى هيحصل اللي اخطر من اي وباء كورونا او غير كورونا. هتتغير مقاييس الحساب باب على المعصية عند الله سبحانه وتعالى. لمدة ثلاثين يوم مقاييس المحاسبة على الزنب هتتغير. الصغيرة ما عادتش هتبقى - [00:02:41](#)

صغيرة الصغيرة هتبقى كبيرة. السيئة هتتقاس بمقاييس تانية. غير المقاييس اللي كانت بتقاس بها الشهور اللي فاتت او الشهور اللي بعد الشهر اللي جاي ده من اول يوم السبت اللي هو بكرة سيبدأ رجب رجب شهر من اشهر الله الحرم. الرابع - [00:03:01](#)

الاشهر الحرم يعني ايه الاشهر الحرم؟ الاشهر اللي ربنا سبحانه وتعالى جعلها حرم زي ما جعل مكة حرم تخيل واحد جوة الكعبة او عند الكعبة وبيدخن سيجارة. واحد عند الكعبة وفاتح السوشيال ميديا وقعد يتفرج على افلام واغاني ولا بيكلم واحدة في علاقة - [00:03:21](#)

حرام ولا بيطلق عينه في الحرام ولا بياكل رشوة ولا واحد هناك بيمد ايده ويرتشي ده حرم مكاني اللي هو عند الكعبة عند مكة الاشهر الحرم يعني حرم زمني. اللي بيعصي ربنا فيها زي اللي بيعصي ربنا عند مكة. كأن ربنا جاب لك مكة - [00:03:41](#)

هنا كأن ربنا جاب لك الحرم لحد عندك هنا اربع شهور في السنة منهم شهر رجب عارف يعني ايه مقاييس المعصية هتتغير يعني ايه اشهر حرم اشهر الحروب يعني تضاعف فيها عقوبة انتهاك الحرام. اشهر حرم كما يقول الامام ابن القيم يعني المعصية - [00:04:01](#)

لا يضاعف عددها. يعني الحسنة بعشرة. المعصية ما بتبقاش بعشرة. المعصية بتفضل بواحد. ولكن يضاعف قدرها يعني ايه؟ يعني

الحاجة اللي صغيرة برة رجب الحاجة اللي صغيرة برة الاشهر الحرم برة ذو الحجة ومحرم وذو القعدة الحاجة - 00:04:21

صغيرة براها بقت كبيرة جواها. عشان كده اسمها الاشهر الحرم. الاشهر الحرم لانه لانها حرمة من حرمت الله. لان بقيت كانك جوة الحرم لانه عظم فيها شأن الحرام. عشان كده جعل شعار القرآن في الاشهر الحرم فلا تظلموا - 00:04:41
فيهن انفسكم. هو الزلم حرام حرام. امال يا رب انت بتتهى عن الزلم في الاربعة دول بالزات ليه؟ لان بقت عقوبة المعصية مغلظة لان بقى عقوبة المعصية مضاعفة والعياذ بالله. هو احنا ناقصين من ذنوبنا يا جماعة! انا عايز اتكلم في الخطبة دي وجاء رجب -

00:05:01

وجاء رجب احنا في رجب رجب هيبدا بكرة بازن الله سبحانه وتعالى. واحد رجب هيبدا بكرة. ايه قيمة رجب؟ عايزين نفهم. ايه رجب ايه الحاجة اللي بتمسل دوافع ان احنا نهتم بشهر رجب؟ ايه خطورة رجب؟ ايه سواب رجب - 00:05:21
الكلام الصحيح لان الاحاديث الضعيفة والموضوعة والمنكرة زي ما انت عايز تقول في شهر رجب قل. لانه كان شهر بتعظمه الجاهلية واتبعهم كسير في الاسلام من اهل البدع والاهواء. الذين لا يعتمدون على السنة الصحيحة الصريحة. اللي احنا هنتكلم فيه النهاردة يا جماعة - 00:05:41

كله بالاسانيد الصحيحة عن رسول الله صلى الله عليه وسلم وعن كبار اصحاب النبي رضوان الله عليهم عشان يبقى الكلام واضح من قلت لها ايه قيمة شهر شهر رجب؟ اول قيمة انه شهر من الاشهر الحرم. دي اول قيمة في شهر رجب. يعني ايه اشهر حرم؟ يعني ايه اشهر حرم؟ الم - 00:06:01

يقول النبي صلى الله عليه وسلم بدأ الاسلام غريبا. الاسلام بدأ غريب. غريب كانت الناس مستغربة. يعني ايه واحد يصحى بالليل يصلي يعني؟ هو ايه ده؟ يعني ايه واحد يفرمل خمس مرات - 00:06:21
في اليوم عشان يدخل جامع يصلي يعني ايه يعني؟ يعني ايه واحد آآ يعني ايه واحد يطلع من فلوسه للفقراء اللي عمرهم ما يقدروا يردوا له؟ يعني ايه يعني الاسلام كان غريب. كل حاجة كانت الناس مستغرباها فيه. يعني ايه واحد يترفع عن متع الدنيا ويزهد في شهوات الدنيا؟ الدنيا - 00:06:33

اللي هي احب محبوب الى قلوبنا. يعني ايه واحد يضحي بعمره وروحه في الجهاد في سبيل الله. يعني ايه؟ واحد يقعد صايم ثلاثين يوم ويقول كان صايم رمضان. يعني ايه واحد يطلع زكاة من ما له سنويا بقدر يعني ايه ده؟ بدأ الاسلام غريبا وسيعود كما بدأ - 00:06:53

غريبة هيرجع في يوم من الايام غريب تاني. فطوبى للغرباء. طوبى شجرة من اشجار الفردوس الاعلى. وطوبى كما يقول المفسرون اي الحياة الطيبة فطوبى للغرباء. الانسان اللي هيقل غربة الدين في هذه الايام. لان الدين رجع غريب تاني. حاجات - 00:07:13
الاساسية عظيمة خطيرة عواميد من اعمدة اقامة الدين في الارض والناس مش عارفة عنها حاجة. ومنها الاشهر الحرم كثير من الناس كل معلوماته عن الاشهر الحرم ان هي الاربعة شهور اللي كان زمان ممنوع القتال فيها. مش هي دي الاشهر الحرم؟ ولا ده الاشهر الحرم دي - 00:07:33

زي ما ربنا عمل في السنة مواسم تضاعف فيها سوابت العبادات والطاعات عشان يدرب الامة على العبادة زي رمضان زي عشر ذي الحجة زي العمرة والحج تضاعف فيها ثواب الطاعات. عشان الامة كلها تتشجع وتتدرب على الطاعة. ربنا عمل بقى - 00:07:53
واسم تضاعف فيها عقوبة المعاصي. عشان الامة تتدرب على التوبة. تتدرب على صورة كلمة حرام شفتم الامة الفترة اللي فاتت والسنة اللي فاتت كلها اتدربت ازاى على انك اول ما بتدخل بيتك اول حاجة تدخل الحمام تغسل ايديك بالصابونة. عمرك ما كنت تعملها - 00:08:13

كنت بتقعد تضحك على الناس اللي بتعملها لابس الكمامة وانت رايح وانت جاي. بقيت عامل زي الجراح في اوضة العمليات. ما بيسبش الكمامة. ايه اللي عودنا على دي؟ ان فيه وباء. الوباء - 00:08:33
الكورونا ان فيه خطر فانت ما كنتش هتتعود على التقاليد الطبية الاساسية للحماية من الوبئة والامراض الا لانك دخلت في لحظة

خطر كذلك الاشهر الحرم دي الموسم السنوي اللي مقسم على فترتين. فترة ثلاث شهور ورا بعض مية وعشرين يوم - [00:08:43](#)
القاعدة زو الحجة محرم وفترة في نص السنة اللي هي رجب اللي يبجي قبل رمضان بتلاتين يوم ربنا قسمها على مرتين لان ما فيش حد بيتغير مرة واحدة. ما فيش حد بيقدّر يسبب الحرام مرة واحدة. ما فيش حد بيقدّر يتوب مرة واحدة. ما فيش حاجة والاشهر الحرم دي معسكر التدريب - [00:09:03](#)

السانوي على تعظيم كلمة حرام. مية وستين تلاتين في اربعمئة وعشرين يوم في السنة ربنا بيربي الامة فيها الامة من خلال كلام الدعاء على المنابر. وكلام العلماء في كل مكان. وكلام اهل الدين في كل مكان يفهموا الامة. يعني - [00:09:23](#)
حرام اشهر حرام يعني فترة اي معصية بتعملها فيها افهم انها بتضرب في قدرها الصغيرة برة الاشهر الحرم بتبقى تكبيرة جوة الاشهر الحرم. افهم النقطة دي. فده وقفة فترة بتقف فيها مع زنوبك. هتعمل ايه في زنوبك؟ لو عقوبة الزنب قد كده برة - [00:09:43](#)
الحرم تضاعف زي ما ربنا سبحانه وتعالى قال على الكعبة ومن يرد فيه اللي هي مكة الحرم المكي ومن يرد فيه بالحاد بظلم نذقه من عذاب اليم. الله! ليه؟ لان ده حرام. فالاشهر الحرم كذلك. حرم. فدي فترة انت بتقف فيها - [00:10:03](#)

زنوبك ومع المعاصي اللي متوغلة جواك. ومع الرايات السوداء الشيطانية. اللي الشيطان غرزها في قلبك. النكت السوداء بتاعة المعاصي ومع المناطق المحتلة جوة قلبك. اللي ابليس احتلها وحولها لبؤر شهوات وشبهات. انت - [00:10:23](#)
مع اكبر مصيبة في حياتك. واكبر خطر على دينتك وسعادتك. واخرتك وقبرك ومصيرك. الزنوب بتقف فيها هي ديت الاشهر الحرم. الاشهر الحرم موسم للتوبة من الذنوب. وللتذكر خطورة الذنوب ان احنا ننصف بقى وننصف الصحائف بتاعتنا من الذنوب. عشان كده في آ سنن ابي داوود النبي صلى الله عليه وسلم قال - [00:10:43](#)

للباهلي صم من الحرم وافطر. صم من الحرم اي من الاشهر الحرم. اللي زي رجب والتلاتة التانيين. صم من الحرم وافطر. صم من الحرم وافطر. صم من الحرم وافطر. هذا الحديث رواه ابو داود - [00:11:13](#)
سكت عنه وقال ابو داود كل ما سكت عنه فهو صالح. فهذا الحديث سندنا صالح عند ابي داود. وابن حجر قال عن اسناده في نتائج الافكار اسناده جيد. صم من الحرم وافطر. يعني لو انت عندك طاقة صيام ركز بقى في الاشهر الحرم. عشان كده جمهور الفقهاء - [00:11:33](#)

حق الشافعية ومالكية واحداث وبعض الحنابلة على استحباب الصيام في الاشهر الحرم ظهور الفقهاء جمهور فقهاء الامة. علماء الشافعية وعلماء المالكية. وعلماء الاحناف وبعض الحنابلة على استحباب الصيام في الاشهر الحرم اللي زي رجب. انك انت تصوم على قد ما تقدر. طب بالزات الصيام ليه؟ لان الصيام هو الامتناع عن - [00:11:53](#)
حنان لاجل الله. فمن امتنع عن الحلال فمن باب اولى سيتدرب عن الامتناع عن الحرام. عشان كده في سورة البقرة الاية اللي جت بعد آيات الصيام ايه؟ يا ايها الذين امنوا كتب عليكم الصيام كما كتب على الذين من قبلكم اياما معدودات شهر رمضان الذي انزل فيه القرآن - [00:12:23](#)

احل لكم ليلة الصيام الرفث الى نسائكم. بعد ما ربنا خلص آيات الصيام احكام النهار واحكام الليل بتاع رمضان. ربنا قال ايه؟ ها؟ وتب ادلوا بها الى الاحكام لتأكلوا ولا تأكلوا اموالكم بينكم بالباطل وتدلوا بها الى الاحكام - [00:12:43](#)
يعني ايه وتدلوا بقى للاحكام اللي هي الرشوة اللي هي لما واحد من اهل المال يرشي واحد من اهل الحكم يدي له مال حرام عشان ياخذ صالح مسلمين بطريقة حرام. ايه اللي جاب الرشوة والنهي عن الرشوة والنهي عن المال الحرام بعد آيات الصيام. لان - [00:13:03](#)

ربنا يقول لك انت صمت عن الحلال. اوعى تفطر على الحرام بقى. يبقى رمضان الصيام فيه دربك انك تخرج بعد كده ما تاكلش حرام ما تحطش في بطنك حرام بعد ما قعدت تلاتين يوم ما بتحطش في بطنك حلال خوفا من الله سبحانه وتعالى - [00:13:23](#)
قال صم من الحرم وافطر عشان كده جمهور الفقهاء على استحباب الصيام في الاشهر الحرم والتي منها شهر رجب ابن القيم يقول ان المعاصي في الاشهر الحرم يضاعف قدرها مش يضاعف عددها يضاعف زي ما قلت لكم كده ان الصغيرة ممكن تبقى - [00:13:43](#)

يعني والعياذ بالله والعياذ بالله اللي بيشرب خمر في الاشهر الحرم كأنه شرب عند الكعبة خمرة. اللي بيشرب مخدرات في الحرم كأنه شرب مخدرات عند الكعبة. اللي يبيزني او بيتكلم مكاملة حرام او بيتفرج على اي حاجة حرام. كأنه عمل الحرام ده عند الكعبة. انت متخيل - [00:14:03](#)

اشهر حرم يعني ايه رجب؟ يعني قصة وسيعود غريبا كما بدأ. لما تيجي الوقتي تقابل الناس بهذا الكلام هتلاقي فيه ناس مستغربة ليه لان معالم الدين عادت غريبة. الاشهر الحرم دي من اركان اقامة الدين. ايه يا عم انت بتقول ايه! انت مكبر الموضوع كده ليه! مش انا اللي باقول - [00:14:23](#)

طب تعال شف قول الله سبحانه وتعالى وفهم المفسرين لهذه الآية. قال الله عز وجل ان عدة الشهور عند الله اثنا عشرة شهرا في كتاب الله. اي في اللوح المحفوظ. ده نظام نظام من يوم ما ربنا خلق الكون. منها اربعة حرم. الاشهر الحرم - [00:14:43](#)
دول الاشهر الحرم دول نزام كوني. ربنا اقام الدنيا عليه. يعني الاشهر الحرم دي تخيل لما ربنا وهو بيتكلم عن بداية خلق جون يتكلم عن الاشهر الحرم. يعني الاشهر الحرم دي اخطر مما تتخيل. ترتيبها في نظام الله للدنيا اخطر مما - [00:15:03](#)

تخيل منها اربعة حرم. اربعة حرم بيعظم فيها قدر الحرام. وبيعظم فيها قدر استحلال الحرام. ذلك الدين القيم يعني ايه ذلك الدين القيم؟ ابن عاشور بيقول اي ان الاشهر الحرم من اصول اقامة الامة. يعني من غير - [00:15:23](#)
الاشهر الحرم الامة دي تنهار. ذلك الدين القيم يعني الدين اللي هيقومك على حيلك. يعني العمود الفقري بتاعك يعني من غير الاشهر الحرم تدينك تدين مش قيم. تدين ما عليهاش القيمة. يعني اشهر - [00:15:43](#)

يا اللي بتخلي دينك دين قيم. دين مستقيم. الاشهر الحرم هي اللي بتقوم دين الامة. ليه يعني؟ عشان ايه؟ عشان فكرة تعظيم الحرام لان الاشهر الحرم هي اللي بيحصل فيها التدريب على تعظيم الحرام. يعني لو رمضان اتشال من السنة دين الامة مش هينهار. ولكن لو الاشهر الحرم - [00:16:03](#)

اتشال من السنة دي للامة ينهار. زي الوقت كده. الام مش واحدة بالها يعني ايه اشهر حرم. مش واخدين بالناس حتى كثير من الدعاة. لا يثير هذه القضية هي الخطيرة على منبر رسول الله صلى الله عليه وسلم. قضية ان يا جماعة خدوا بالك من اول بكرة من اول يوم السبت من اول واحد رجب. مقاييس. المحاسبة على المعصية - [00:16:23](#)

هتتغير. الملك بتاع الشمال اللي بيكتب الزنوب مقياس وزن زنوب الاشهر الحرم في ميزان يوم القيامة غير مقياس وزن الزنوب في باقي الشهور. يا راجل! الامام الشافعي كان يرى بتغليظ الدية في الاشهر الحرم. يعني اللي عمل نفس الجريمة اللي عليها دية في اي شهر يبقى لها قدر شرعي. في الاشهر - [00:16:43](#)

الحرم كان الامام الشافعي يزود قدر الدية. هي كانت بتخلص. يعني تيجي يوم القيامة على الميزان. معصية عملتها في ربيع اول او ربيع ثاني تتحط وزن في كفة السيئات معصية عملتها في رجب تتحط بميزان ثاني خالص في كافة السيئات. تفاجأ انها بتتعمل كانها كبيرة. ليه؟ لانك عصيت الله - [00:17:10](#)

الاشهر الحرم ذلك الدين القيم. دينك مش هيقيم ولا هيبقى تدينك قيم من غير هذا المعنى ما يكون في دينك. من غير ما يكون عندك وقفات سنوية مع قضية الزنوب وقضية التوبة وقضية الاستغفار وقضية تعظيم حرمان الله سبحانه وتعالى وقضية تصحيح - [00:17:30](#)

في قضية الزنوب والشهوات احنا الوقتي عدنا بنعصي ربنا معاصي يا جماعة المعاصي اللي بتنتهك على وجه الارض دلوقتى والله لو اتضربت لو اتضرب المعاصي اللي اتعملت قبل طوفان نوح في مليون ما هتيجي حاجة في المعاصي اللي بيعصى الله بها النهاردة. ربنا بيعصى هذه الايام معاصي رهيبة - [00:17:50](#)

موبات ده قوم لوط السما رقبتهم بسبب فعل قوم لوط. اللي البعض بيسميه اللوط. آآ السما رجمتهم. الوقتي هذا الشوز الجنسي بقى له جمعيات بتدافع عنه وبقى له ناس بتنصره في الاعلام ويبقى له يعني اللي كان بيحصل ايام قوم - [00:18:10](#)
اللي بيحصل دلوقتى اشد في معصية واحدة اتخسف بسبع قرى بسببها. اترفعوا للسما ونزلوا الارض. انا عايزك تاخذ بالك هو احنا

عدنا بنعصي قد ايه هو احنا عدنا مستهترين بالمعصية قد ايه فييجي الايام دي ذلك الدين القيم. شف بقى فلا تظلموا فيهن انفسكم -

[00:18:30](#)

اياكم ان تستحلوا الحرام فيها. زلم يعني ايه زلم؟ يعني ايه واحد زلم اخته؟ يعني كل عليها ورسها. حنة بيت مسلا بخمسة مليون هو اللي معه العقد ابوه مات قام قايل لاخته العود معي خدي لك ثلاثين الف جنيه وامضي لي حرامي ده حرامي هي موافقة لانها مقهورة.

[00:18:50](#) - انما ده انسان نصاب حرامي -

حط لها العقد بتاعها في ايديها والا انت اكل للحرام وولادك اكلين للحرام وهتقابل ربنا في بطنك نار. لانك انت راجل سرقت اختك او ورس حد ضعيف وعشان تحلل الموضوع لضميرك. طب امضي لي على ورقة وخدي مبلغ وده مش القيمة. اديها العقد في ايديها وبعد

[00:19:10](#) - كده -

قل لها طب ايه رأيك تبقي حوالي بخمسين الف جنيه؟ هتطلع لك لسانها. هتقول لك يلا يا عم رح العب في اي حنة. هو انت ولادك

[00:19:30](#) - احسن من ولادي في ايه يعني؟ فده -

واحد والعياز بالله فده زلمها يقول لك ده زلمها يعني ايه زلمها؟ يعني كل حقها. طب يعني ايه فلا تظلموا فان انفسكم يعني ايه اظلم نفسي يعني انك انت لو سبت المعصية وتعت ربنا ربنا هيديك كتير اوي. هيديك عطاءات وهيوسع رزقك وهيسعد نفسيتك -

[00:19:40](#)

وهيبسر شفاءك وهيفرج كريك دنيا واخرة. فلما انت عصيت ربنا انت ضيعت كل كل ده على نفسك. فكانك زلمتها اشد زلم. اشد من

[00:20:00](#) - اللي كل حنة ارض بتاعة ورس اخته. ولا ورس عيل يتيم اشد -

لانك انت نفسك ضيعت حظها من عطاء الله للصالحين. ضيعت حظها من عطاء الله للصوامين هو مين والزكاريين والشكاريين فانت

[00:20:20](#) - زالم. بس زالم لمين؟ زالم لنفسك. فلا تظلموا فيهن انفسكم اي باستحلال الحرام. اي -

جراة على حرمان الله. اي بالجراة على حدود الله. ويلحق بها قضية الزلم ما بين الخلق وما بين بعضهم. يبقى الشعار بتاعنا فيها هزه

[00:20:40](#) - الايام فلا تظلموا فيهن انفسكم. عرفت؟ يعني الاية دي عشان كده بعدها ربنا في نفس الاية قال وقاتلوا -

المشركين كفر. يا رب انت بتتكلم عن الاشهر الحرم. ايه اللي خلانا في القتال الوقتي والجهاد؟ لان الاشهر الحرم بتعلمك تعظيم كلمة حرام. فلما تيجي تبص على امتلاء العالم كله بينتهك الحرام. الزنا في العالم كله في الشوارع. ما حدش له دعوة بحد اصلا. الربا في

[00:21:00](#) - كل مكان. فتبص هو الجهاد في -

سبيل الله عشان ايه؟ عشان كف الكف عن الحرام. فانت بتضحى بدمك في الجهاد عشان تعظيم حرمان الله. فييجي القتال بعد

الاشهر الحرم لان الاشهر الحرم علمت الامة كلها تعظيم كلمة حرام وتعظيم حرمان الله. فبقى الامة كلها عندها استعداد انها تضحي

[00:21:20](#) - بدمها -

في الجهاد في سبيل الله. عشان كده ربنا قال بعدها وقاتلوا المشركين ايه؟ كافة كلكم ايد واحدة. امام اهل الباطل زي ما هم كلهم

ايد واحدة صوتكم. طب ازاى يبقى كلنا ايد واحدة؟ لان الامة كلها اتربت على المعنى ده. الناس اتربت في المساجد عليه. والناس

[00:21:40](#) - راحت في اسرها ربك -

مرتان زوجاتها وولادها عليه. والستات كلموا بعض عليه. الامة كلها لازم تسير قضية الاشهر الحرم. ولازم يبقى موسم لتعظيم المعصية وللتوبة الى الله سبحانه وتعالى الصحابة ما كانوا بيتعاملوا مع الزنوب زي ما احنا بنتعامل معها. الصحابة كانوا بيتربعوا من الزنوب.

[00:22:00](#) - بيتربعوا. شف قول الله سبحانه وتعالى وعلى الثلاثة الذين -

ثلاثة عملوا زنب واحد. معصية واحدة خرجوا غزوات كتير مع النبي عليه الصلاة والسلام. انما جت تبوك وحت في رجب برضه على

فكرة يعني في شهر رجب من اكثر الشهور اللي المسلمين حاربوا فيها آاهل الباطل واهل انتاج حرمان الله. حطين كانت في رجب

[00:22:23](#) - اللي هي فتح بيت المقدس -

ربنا يفتح على ايدينا بيت المقدس يا رب. اليرموك من اعظم عشر معارك غيرت جغرافيا وخرايط الكرة الارضية شرموك كانت في

رجب. فتح دمشق ونهاية سلطة الامبراطورية الرومانية على الشام كانت في رجب. تبوك كانت في رجب اللي - 00:22:43
برضو كانت حرب الروم يعني الروم والصليبيين في قصص في رجب بينا وبينهم. سبحان الله وهم اكثر من ينتهكون حرمت الله في الارض. اكثر من ضيعوا كلمة حرام اصلا؟ ونسوا كلمة حرام. اصلا والعياذ بالله. وانتهكوا. يعني اليهود ما عملوش كده. اليهود عندهم - 00:23:03

حرام وحلال برضو. انما اكثر من انتهك كلمة حرام هم هؤلاء. فسبحان الله شهر رجب شهر تعظيم حرمت الله. من اكثر الشهور اللي فيه انتصارات على انتصارات على هؤلاء فاذا نظرت الى حال الصحابة مع الذنوب لأ الصحابة ما كانوش في الصحابة ما كانوش كان الذنوب بالنسبة لهم رعب. الثلاثة اللي تخلفوا عن غزوة تبوك ربنا قال وعلى - 00:23:23

ثلاثة الذين خلفوا حتى اذا ضاقت عليهم الارض بما رحبت وضاقت عليهم انفسهم. هات كل دكاترة الطب النفسي. قل لهم تقدرنا توصفوا لي الاكتئاب وصف اشد من الاية دي ؟ الاية دي بتوصف الاكتئاب وصف اعجازي. ضاقت عليه بالارض بهروها. تعال افسحك انا مخنوق - 00:23:47

لو حطيتني والعياذ بالله فوق برج القاهرة هارمي نفسي. مش هاتبسط بالمنزر. انت هو زي اللي رمى نفسه من فوق برج القاهرة ربنا ارحم موتى المسلمين والمسلمات اجمعين يا رب. اللهم امين. هو مخنوق ما فيش حاجة اسمها وديني مكان حلو وانبساط اتبسط. انا كل ما - 00:24:07

في مكان انبساط بتخانق اكثر. وضاقت عليهم انفسهم. طب خلاص هقع في مكاني. مش قادر اقعد مكانش. ضاقت عليه منفوزه. يعني حتى وانا قاعد انا بولع في نفسي انا مش قادر لا يوجد وصف للأمراض النفسية واللي بيسموها ابيزود والعياذ بالله اللي هي هجمات الاكتئاب العظمى - 00:24:27

نسأل الله العافية يا رب اللهم امين. لا يوجد وصف لها اعظم من هذا الوصف. طب كل ده بسبب ايه ؟ بسبب معصية واحدة عملوها. معصية واحدة عملوها الوقت الاكتئاب بسبب ايه ؟ كلنا قابلنا ناس كتير جدا جالها اكتئاب وراحت عيانات امراض نفسية. اما خطيبتة سابتة. اما طلق آ مراته وما قدرش يستحمل - 00:24:47

فراقها. اما حد من ولاده مات. اما خسر فلوسه في مشروع كان داخل فيه. اما الدنيا ضاقت عليه في ايام كورونا وما حدش عارف آ يلاقي دخل. اما الفلوس قصرت معه يبقى كله بيجي له الاكتئاب الوقتي والامراض النفسية بسبب الدنيا ومشاكل الدنيا. زمان كان الصحابي - 00:25:07

يجي له المشكلة النفسية دي بسبب الآخرة. بسبب الذنوب. بسبب انه وقع في زنبه ونفسه يخلص منه كحديث النبي صلى الله عليه وسلم وحديث حسن رسول الله صلى الله عليه وسلم شيبتي هوود واخواتها. شيبتي. هي الناس كلها بتشيب ليه ؟ يقول لك الدنيا شيبتي يا ابني - 00:25:27

هم الدنيا شيبني. الرسول بقى هم الآخرة شيبه. هم الآخرة. شفتهم المشاعر بتاعتهم كانت فين ؟ احنا مشاعرنا في اتجاه وهم مشاعرهم في اتجاه عارفين الغامدية لما راحت للنبي عليه الصلاة والسلام. واحدة زنت. قالت له طهرني يا رسول الله. طهرني. واحدة انا انا مش قادرة يطهرني دي يعني ايه - 00:25:47

يعني ارجومني يعني اعاقب حد الزاني السيب علي. انا زاني ثيب حد الرجم. طهرني يا رسول الله. الرسول قال لعلها حبلى من الزنا روعي وشوفي طلعت حامل. خلاص استني تسع شهور وولدي. جات له وشايلة العيل على ايديه. خلاص انا ولدت تسع شهور ولسه بتقول طهرني حرقة الزنب ما انا - 00:26:07

الرسول رفض لحد ما تفضمه. راحت سنتين ورجعت له والحي اللي شايلاه عنده سنتين وماسك حنة عيش في ايديه. كسرة خبز ايديه وبتقول له طهني ثلاث سنين وحرقة الزنب ما هجيتش في قلبها. ثلاث سنين والخوف من المعصية ما يهديش فيها قلبها. لحد - 00:26:27

قام النبي صلى الله عليه وسلم علي الحد. طهرني يا رسول الله. ده كان تعامل الصحابة مع الذنوب مع قضية احنا الوقتي احنا كل

مسلم اللهم صل على النبي عليه الصلاة والسلام. كل مسلم والله كأنه واخذ شهادة ضمان بالجنة. كل واحد فينا حاطط في جيبه عارفين في القرون - [00:26:47](#)

اما كان رجال الكنيسة في اوروبا يبييعوا اراضي الجنة للناس بفلوس. كل واحد كأنه شاري حطة ارض في الجنة. ضامن كما يقول ابن عثيمين رحمه الله كان يقول رحمه الله من العجيب ان المسلمين كلهم يعتبرون انفسهم داخلون الجنة بلا محالة رغم - [00:27:07](#)

ما كل الذنوب التي يفعلونها يفعلونها مع ان الله اخرج ادم من الجنة بزنب واحد. حاجة غريبة طب انت تضمن منين؟ انك انت على لا اله الا الله عند الموت. ما فيش فيه حاجة اسمها فتنة الممات. مش تضمن منين ان عملك قبلت؟ مش فيه حاجة اسمها ان تحبط عملكم انتم لا تشعرون. عايزين نركز - [00:27:27](#)

جماعة احنا متراقبين اوي. احنا متراقبين اوي ، شفت اجهزة الدولة الرقابية عشان الرقابة على الموظفين والرقابة. احنا عندنا كم جهاز رقابي في بلدنا؟ عندنا كتير جدا. اجهزة كتير جدا اجهزة رقابية في البلد. عشان الرقابة انت مش متخيل الاجهزة الرقابية الربانية عليك - [00:27:47](#)

انت متراقب في كل معصية لدرجة ومن يعمل مثقال ذرة شرا يره. هو انا متراقب في مثقال ذرة! انت متراقب في الطاعة لدرجة النبي صلى الله عليه وسلم يقول ان الرجل لينصرف من صلاته ولم يكتب له الا عشرها تسعها ثمنها - [00:28:07](#)

سبعها سدسها خمسها ربعها ثلثها نصفها. ايه ده؟ هو انا متراقب في صلاتي بالعمر هو انا متربي السنتوفة! سجدة وركعة وركعة وحركة حركة في التكبيرات الانتقال. انت بتراقب في كل مرة بتقرا فيها الفاتحة في اية - [00:28:27](#)

اية هو انا لدرجة انك في الاخر بتاخذ في الصلاة دي تسعى. الصلاة دي سبع. الصلاة دي عشر. الصلاة الحلوة قوي قوي دي نص هو انت بتراقب انت بتراقب في كل كلمة. مش في كل طاعة وكل معصية حتى في المباح. قال الله عز وجل - [00:28:47](#)

ولقد خلقنا الانسان ونعلم ما توسوس به نفسه. ونحن اقرب اليه من حبل الوريد. اذ يتلقى المتلقيان ملك اليمين الشمال عن اليمين وعن الشمال قعيد ما يلفظ من قول الا لديه رقيب عتيد. قول صاحب التحرير والتنوير وقول الرازي - [00:29:05](#)

في مفاتيح الغيب ان ده مش كلام على رقابة الملكين لك طول عمرك. وانما كلام على رقابة الملكين لك لحزة الاحتضار بس. وانت بتموت فالملكين يتلقى المتلقيان عن اليمين وعن الشمال قعيد. قاعدين لك ساعة الموت ما يلفظ من قول. قاعدين مستنيين انتهت - [00:29:25](#)

قول ايه في اللحظات الاخيرة من حياتك؟ ايه اللي انت هتقوله؟ هتقول كلمة الايمان؟ هتقول والعياذ بالله كلمة سخط وتسخط على الله. هتقول اه الكلمة اللي انت بتقولها وانت بتموت دي وانت في الاحتضار ده ايه الملكين قاعدين يكتبوه هي فما بالك بقى وانت عايش كان رقابة الملكين - [00:29:45](#)

شكلهم ايه! انت بتراقب قوي! انت بتراقب في كل طاعة! ومتراقب في كل معصية! ومتراقب في كل كلمة! شهادة ضمان الجنة اللي احنا حاطينها في جيبها دي! حطينا في جيبنا دي - [00:30:05](#)

اين بها من اين؟ بتيجي الاشهر الحرم بقى تفوقنا. بتيجي الاشهر الحرم بقى ترجعنا بقى لعقلنا تاني. ارجع بقى تاني كده وافهم يعني ايه زنب وافهم يعني ايه حرام وافهم يعني ايه معصية وهات كتاب الكبائر للامام الزهبي واقراه كويس اوي اوي اوي عشان تفهم الزنوب دي عقوبتها ايه تفهم - [00:30:15](#)

اختلاط عقوبته ايه؟ تفهم النظر للحرام عقوبته ايه؟ تفهم شرب الخمر عقوبته ايه؟ تفهم والعياذ بالله العلاقات الحرام الخيانات الزوجية التبرج آآ الديانة وانك سايب بنتك لابسة اللي هي عايزاه في اي وقت. تفهم الغيبة النميمة. سماع الاغاني المحرمة. الفرجة على الحاجات - [00:30:35](#)

الحرام ان المال الحرام الرشوة الانتحار عدد مصافحة امرأة اجنبية ايد بايد الاختلاط المحرم في اماكن الشغل انك انت تفهم بقى مراجعة بقى. احنا في في في الاشهر الحرم ديت المراجعة - [00:30:55](#)

على كل كلمة حرام في القرآن والسنة. كل حاجة اسمها حرام يتراجع عليها. عشان نفهم. كما يقول النبي صلى الله عليه وسلم ان العبد

ليتكلم بالكلمة لا يلقي لها بالا. مش واخذ باله اصلا. عادي يلقي بها في النار سبعين خريفا. كلمة مش واخذ - [00:31:15](#)
كم مرة عصيت ربنا وانت مش واخذ بالك كم مرة اخطر معاصي عملتها في حياتك اللي انت عملتها وانت مش واخذ بالك اصلا كلام
قلته انت مش واخذ بالك. حاجات عملتها وانت مش واخذ بالك. والنتيجة تأبى عشان كده الله سبحانه وتعالى يقول في سورة الزمر
وبدا لهم من الله - [00:31:38](#)

ما لم يكونوا يحتسبون صدمة ما كانش متخيل ان الحاجات دي بيتحاسب عليها كده ومعزمها بتبقى زنوب والعياز بالله مجال
الاخلاق والمعاملات والسلوكيات لان الناس مركزة اوي في الشهوات والمحرمات والزنا والناس عارفة ان ده حرام. انما حاجات كتير
جدا في الاخلاق - [00:31:57](#)

معاملات الناس ما تعرفش انها حرام. ما تعرفش اصلا ان ده حرام زي حديث النبي عليه الصلاة والسلام. اربى الربا ان يستطيل المرء
في عرض اخيه. اربى الربا ان يستطيل - [00:32:17](#)

في عرض اخيه يعني شلة واقفة كده وواحد عايز يعمل نفسه الواد الحلو بقى الجدد اللي لسانه حلو اللي بيعرف يجيب القفشات
واللي بيعرف يبقي ابن نكتة واحد بقى يتريق عليه قدام الناس ويتنمر به قدام الشلة عشان هو يعلى. ان يستطيل المرء انا انا بكبر
وكرامتي بقى - [00:32:27](#)

وسط اصحابي بيكبر في عرض اخيه على حساب اخويا. آآ انت متخيل! ده اربى الربا. ده اشد من انك انت تبقي تاجر في الناس الالف
يردوا لك الف وخمسمية. اللي هو الربا الصراح ده اشد من هذا. والعياذ بالله. اقول قولي هذا واستغفر الله لي ولكم - [00:32:47](#)
الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر كله.
اللهم صل على عبدك ونبيك محمد صلى الله عليه وسلم. اللهم صل على الحبيب محمد وعلى ازواجه امهات المؤمنين وعلى ذرية -
[00:33:07](#)

بيته انك حميد مجيد. اللي احنا اتكلمنا فيه ده يا جماعة نقطة واحدة بس من اهمية شهر رجب. وهي ان رجب من الاشهر الحرم. فيه
اهمية الثانية لرجب اه. الاهمية الثانية رجب نفسه رجب نفسه موسم عبادة. رجب نفسه جيت الكلام ده منين؟ ده قول جمهور الفقهاء.
من - [00:33:27](#)

حديث استندوا الى حديث النبي صلى الله عليه وسلم وهو يتحدث عن شعبان ويقول ذلك شهر ذلك اسم اشارة للبعيد. يعني معناها
ان شعبان ده حاجة عظيمة اوي. ذلك شهر بين رجب وشهر - [00:33:47](#)

رمضان. ذلك الشهر اللي هو شعبان. بين رجب وشهر رمضان يغفل عنه الناس. فجمهور الفقهاء من والمالكية والاحناف قالوا ايه؟ قالوا
معنى الحديث؟ ان شعبان موسم عبادة والناس مش واخدة بالها. شعبان طبعا - [00:34:01](#)

ده هو شعبان. ده شعبان ده خلاصة السنة اصلا. ده شعبان ده شهر رفع الاعمال. ده شعبان ده شهر العرض المصغر على الله. قلبك
بيعرض على والله في ليلة النصف من شعبان. شعبان شهر خطير. فالنبي بينه الصحابة بيقول لهم ده موسم. يغفل عنه نسيين رجب
وشهر رمضان. قالوا معنى كده - [00:34:21](#)

ان معنى كلام النبي عليه الصلاة والسلام ان شعبان موسم عبادة الناس مش واخدة بالها منه زي ما رجب ورمضان مواسم الناس
واخدة بالها منها. شفتهم معنى كلام النبي وشوفتم فهم جمهور الفقهاء لحديث النبي عليه الصلاة والسلام السابت عن رسول الله صلى
الله عليه وسلم. ان ان معنى - [00:34:41](#)

الكلام ده ان رجب ورمضان مواسم بس الناس كلها فاهمة قيمتها. اه امال الوقتي المشكلة في رجب ايه؟ الحروب الطاحنة اللي بتقوم
كل رجب رجب ليس له فضل مش قصة رجب الازهر. كثير من اهل الفتوى اللي بيقول لك رجب ليس له فضل. هو مش بيكلمك انت -
[00:35:01](#)

هو بيكلم اللي بيروح يعمل دبايح في رجب والعياز بالله زي انساك المشركين في رجب. هو بيكلم اللي مؤلفين صلوات ومؤلفين واول
ليلة من رجب مش عارف استجابة دعاء ايه. وكل ليلة من رجب باجر مش عارف ميت سنة عبادة ايه وكلام كله. كلام باطل. كل ده

كلام موضوع ومكذوب - 00:35:21

على رسول الله صلى الله عليه وسلم. فهو بيكلم ده مش بيكلمك انت. امال ايه بقى رجب؟ الخلاصة في رجب ايه؟ الخلاصة في رجب زي ما قلت لك. خلاصة في رجب الحديث - 00:35:41

يعني جود اسناده ابن حجر صم من الحرم وافطر. اللي هو جمهور الفقهاء قالوا ان يستحب الصيام في الاشهر الحرم. ها ولكن مش تمام الصيام فيها. ما تشبههاش برمضان. يعني ما تصومش ثلاثين يوم في رجب زي رمضان. صم وافطر. صم من - 00:35:51
وافطر صم من الحرم وافطر. صم من الحرم وافطر. الحاجة الثانية ذلك شهر بين بين رجب وشهر رمضان يغفل عنه الناس. يبقى رجب هو موسم عبادة وموسم طاعة الناس مش غافلة عنه. يعني اعمل ايه بقى ما فيش حاجة اسمها الرجبية والبتاعة والعتيرة وشوية الكلام استغفر الله العظيم اللي كله بدعيات ده - 00:36:11

اه عادي. صم من قيام ليل اكثر. صيام اكثر. ذكر اكثر. استغفار اكثر. كده. زائد ان رجب من الاشهر الحرم والاشهر الحرم اصلا موسم توبة. موسم تعظيم للحرمات. فهو اجتهد فيه بقى في الاستغفار والتوبة وتحري - 00:36:31
حلال تبقى مرعوب بقى. زي ما بتترعب من كورونا كده بتترعب اشد. يعني اخطر من ان فيه هجمة كورونا جاية. فده ده رجب. غير ان رجب نفسه يا جماعة العلماء قالوا ان افضل عمرتين في السنة. ده الكلام الصحيح بقى اللي بقوله لكم. ان افضل عمرتين في السنة هم عمرة رمضان وعمرة رجب - 00:36:51

الكلام ده سابت عن كبار اصحاب النبي عليه الصلاة والسلام. في صحيح مسلم ان ابن عمر قال ان النبي اعتمر في رجب واختلف في هذا مع السيدة عائشة. فابن رحمه الله قال الاسباب ابن عمر لعل عائشة لم تعلم. فقال يبقى كده عند ابن باز رحمه الله شيخ ابن باز رحمه الله ان النبي اعتمر في - 00:37:13

السيدة عائشة لم تكن تخرج من المدينة الى مكة الا مرتين. مرة في زو الحجة تحج وتعتمر ومرة في رجب تعتمر. سيدنا عمر كان يستحب العمرة في رجب. سيدنا عثمان اعتمر في رجب يبقى سبتت عن طبعنا عبدالله بن عمر. يعني كان يستحب - 00:37:33
كان يعجبه العمر في رجب. يعجبه. يعني ابن عمر وعمر وعثمان وعائشة. يعني اثبت ابن عمر في الصحيحين عن رسول الله صلى الله عليه وسلم انه اعتمر في رجب. هي عشان كده في علماء قالوا ان افضل عمرتين في السنة رمضان ورجب - 00:37:53
يبقى هو ده رجب هو ده رجب موسم عبادة. وموسم توبة وموسم استغفار. فدي القيمة الثانية ان رجب نفسه قيمة. يعني بخلاف انه في الاشهر الحرم رجب نفسه موسم رجب نفسه موسم عبادة. القيمة الثالثة لرجب التكامل بين رجب وشعبان. انا بخلص باقي النقط بقى لان باقي النقط يعني كانت هتاخذ منا وقت. انا الوقتي بس باديك ايه - 00:38:13

هليكو بتر فيو كده. يعني باديك نكرة شاملة عن رجب. ايه القيم الاربعة لشهر رجب؟ القيمة الاولانية قلنا ان هو من الاشهر الحرم. يبقى ده موسم توبة واستغفار. القيمة الثانية انه انه موسم عبادة اصلا. والنبي لما جه يعرف الناس شعبان ضرب لهم مسل برجب ورمضان. يبقى ده موسم عبادة اصلا - 00:38:35

ها واستحباب جمهور الفقهاء الصيام فيه هو والاشهر الحرم. ولكن صم افطر. القيمة الثالثة في رجب هي التكامل بين رجب وشعبان. رجب شهر توبة هو ربنا لما لما جاب الاشهر الحرم ما جابهاش ورا بعض ليه؟ جاب ثلاثة لواحدهم وواحد اللي ورا جاب لوحده. في نص السنة لان دي اشهر توبة واشهر تعظيم - 00:38:55

الحرام حدش هيتربى على المعنى المهول ده بالزات اللي عنده شوق اللي بيحب واحدة ومش قادر يسيبها. اللي بيحب معصية وغارز فيها ومش عارف يسيبها. اللي دايم العاصي يعني حتى اللي موت من سوشيال ميديا هيستغفر الله. حتى اللي موت من مشاهد وحشة على النت هو مش بيقدر يسيب مرة واحدة. اللي عنده معاصي سر - 00:39:15

اللي بياكل مال حرام ما حدش بيقدر يسيب مرة واحدة. فالموسم بييجي مرتين في السنة بتاع ترك المعصية زي بالزبط مواسم الطاعة. مواسم الطاعة موسمين في السنة اساسا رمضان وعشر ذي الحجة. فكذلك مواسم ترك المعصية موسمين في السنة. ثلاث شهور حرام في آآ اللي هي ذو القعدة. الحد محرم. وشرط - 00:39:35

حرام اللي هو رجب لوحده لان ما حدش هيدرب على الطاعة مرة واحدة فربنا جابها موسم بعد موسم وما حدش هيتدرب على ترك المعصية مرة واحدة فربنا جابها موسم بعد موسم ربنا بيربيك. السنة مرسومة لك. فيه حاجة اسمها الخريطة التعبدية للسماء. ربنا رسم لك السنة. رجب شعبان - [00:39:55](#)

كم دول شهرين جايين مع بعض كده. رجب شهر حرام يعظم فيه الحرام. يبقى ده شهر تخلية. شهر سيب الحرام امال شعبان لا ده شعبان ده قصة تانية. شعبان ده شهر ترفع فيه الاعمال الى الله. فيعني زي بالزبط شهر سبعة كده في الحكومة تقفيل الميزانية - [00:40:15](#)

فشعبان ده شهر اجتهاد في الاعمال الصالحة. لان صحيفة السنة كلها تطلع. ده انا السنة اللي فاتت دي كلها ما مررتش امي. يا نهار اسود! ده انا ما وصلتش رحمي. الحق بقى ده انا آآ ما تصدقتش الحق. شعبان ده انت بتقفل الصحيفة لانها ترفع الى الله وتهعرض الى الله. واخذ بالك انت - [00:40:35](#)

فانت بتقفل التقرير بتاعك فانت بتزود الاعمال وشعب الايمان اللي انت ما عملتهاش بتتشعب فيها. فشعبان شهر التشعب في شعب الايمان فرجب شهر تخلية توبة من الذنوب ثم يأتي شعبان شهر تحلية اجتهاد في الطاعات ثم يأتي - [00:40:55](#)

رمضان شهر حصاد. ودي القيمة الرابعة بقى. يعني رجب وشعبان الاتنين مع بعض بيكملوا لك دينك. ده تخلية وده تحلية. القيمة الرابعة لشهر رجب انه هو الطريق الى رمضان. رجب وشعبان هم الطريق الى رمضان - [00:41:15](#)

يا اخوانا التعب مش في رمضان. الناس كلها يا عيني بعاملة زي اللعيب اللي ما استعدادش ومتهيأ له ان الموضوع سخونية واول ما يبجي الماتش هكسر الدنيا. يا حبيبي ثلاث دقائق وهيجي لك شد عضلي هينيمك في الارض. انت بالزبط كده رمضان اول ما يدخل لو انت فاكرها سخونية - [00:41:29](#)

يومين تراويح وهيجي لك شد قلبي وشد نفسي لان نفسيتك مش مستحيلة. هو ايه فجأة؟ انت عملت لي ايه؟ هركليز كده ليه في العبادة؟ مش مستحيلة تقوم فجأة شدة تقوم نايم مكانك. قاعد بقى اتفرج على اللي بيعيطوا في التراويح والتهجد وقاعد تتفرج بقى على اللي قاعدين يقرأوا قرآن للنهار. وانت قاعد تبص زي المحروم يا عيني - [00:41:49](#)

ما هو يا حبيبي التعب مش في رمضان. التعب في رجب وشعبان. رمضان شهر الحصاد. كما قال السلف في رجب بتخلي في الداخلية وفي شعبان بتأتي التحلية وفي رمضان بيأتي الحصاد. يبقى لو انت عايز رمضان يبقى - [00:42:09](#)

يبقى لازم رجب وشعبان يبقوا صح. قدرت في رجب وشعبان تزرع زرة حلوة في علاقتك بالله. في اوراد العباد في طريقة قرايتك للقرآن في التدرب على صيام اتنين وخميس. في التدرب على قيام الليل ولو نص ساعة يوميا. في التدرب على تكبيرة الاحرام - [00:42:29](#)

في التدرب على السنن الرواتب. قدرت في رجب وشعبان تعيشهم صح. ابشر بخير رمضان مر عليك منذ ولدتك خلي رمضان اللي جاي ده رمضان حياتك. يا جماعة احنا محتاجين كم رمضان عشان نتغير. كم رمضان؟ محتاجين كم رمضان؟ الصحابة - [00:42:49](#)

اللي كان بيدخل كان بيدخل بطل دلوقتي الشاب اللي بيلتزم بيطلع لك روحك. آآ اصل انا باحب واحدة. آآ اصل انا آآ اصل انا اصحابي مش قادر اسيبهم. آآ اصل انا - [00:43:09](#)

كنت بشرب سجائر وساعات ارجع لها اصل العادة السرية بقع فيها لسه. اصل يا ابني اربع خمس سنين كده قاعد يتوه الناس اللي حواليه. الصحابي لما كان بيدخل كان بيدي للدنيا الضربة القاضية. كان بيدخل بالضربة القاضية. كان بيدي للشهوات لمس كتاف. دخلات قوية. احنا بدايات - [00:43:19](#)

الضعيفة ادت الى ان التزامنا كله بيبقى ضعيف. عايزين ثورة التزامية قبل رمضان. عايزين قوم قبل رمضان. عايزين ضرب قاضية للدنيا اللي في قلوبنا قبل رمضان. عايزين رجب وشعبان نعيشهم صح ونعيشهم توبة ونعيشهم استغفار ونعيشهم - [00:43:39](#)

سادة ونعيشهم اجتهاد في الصيام والقيام واطر حاجة نعيشهم قراية قرآن صح لان رمضان اساسا هو قراية قرآن. فانت عايز تتدرب على رمضان اتدرب على قراية القرآن الطلب انك تهرب بالتركيز. اتدرب انك تقرا حتى تعلموا ما تقولون. مش بنقرا وخلص

اخواني واحبابي في الله. اسأل الله اللهم - 00:43:59

رمضان وتسلمه منا. اللهم بارك لنا في رجب وشعبان. وبلغنا رمضان. اللهم بلغنا رمضان. واجعلنا فيه من فائزين اللهم بلغنا ليلة القدر واجعلنا فيها من الفائزين. اللهم انك اقبلت علينا بكرمك في مواسم - 00:44:19

طاعة اللهم بارك لنا في رجب وشعبان ورمضان. اللهم افتح علينا في رجب وشعبان ورمضان. اللهم ارزقنا حسن الصيام والقيام في رجب وشعبان ورمضان. اللهم ارزقنا اتباع سنة نبيك في العبادة في رجب وشعبان ورمضان. اللهم اعنا على ذكرك - 00:44:39

وشكرك وحسن عبادتك. اللهم اهدنا وسددنا. اللهم فرج كربنا. اللهم اشف امراضنا. اللهم ارزقنا العافية. اللهم ادم ديون اللهم وسع ارزاقنا. اللهم اسعد قلوبنا. اللهم اصلح بالننا. اللهم اغفر ذنوبنا. اللهم كفر عنا سيئاتنا - 00:44:59

اللهم تب علينا توبة ترضى بها عنا. تب علينا لتتوب. تب علينا توبة لا نرد على اعقابنا بعدها ابدا. تب علينا توبة نصوحا يا ارحم الراحمين سبحانه اللهم وبحمدك اشهد ان لا اله الا انت استغفرك واتوب اليك - 00:45:19

- 00:45:35